


www.BibleForChildren.org



Í'dóngará 6



Ú'dógú'dógú Núwã vé rĩ, ĩri
'dĩni. Núwã ri 'bá tã 'oópi
pĩri ni, 'bá lókí 'dãri gé rĩ pi
ãsãmvú gé, ĩsúkí tã ũnjĩ
rú'bá ni gé kuyé, Núwã 'du tã
Múngú ní 'yoó 'í ní rĩ ngaá rá.

Múngú ndre ũnjĩkãnyã

'bá rĩ pi
ní 'oó vũ dřigé nõgó
rĩ rá, ã'diãtãsiyã
kõpi ri nóni
ũnjĩkãnyã 'o.




Kúru Múngú ní 'yozú Núwā ní kīnī, “Á lē 'bá
rī pi ú'dị ũdrāá céré 'dīisī rá, ã'diātāsīyā
ũnjīkānyā ga vū dṛīgé nōgó ambamba.
Ádarú á lē 'bá rī pi ú'dị ũdrāá rá, ãzini á
lē vū rī izaá rá.” “Í pa párángi, mí údé
mí ní kúlúmgba mọ̀ngú ãní, mí aco
'a ni ãndiãndí, mí ũmbĩ 'a ni pi
úgóró ni be
gámũ sī.”



Mí údé kũlúmgbá mọ́ọngú
rĩ 'dínì. Ǽco ni Ǽ adri
pá ágélé mụ̀dũrũlũ sụ
pũkú tọ̀wú (450),
ẹ̀pì ni Ǽ adri
pá ágélé


pũkú ẹ̀zĩrĩ
dřĩ ni tọ̀wú (75),
ngangára ni
urulé rĩ Ǽ adri pá ágélé
pũkú sụ dřĩ ni tọ̀wú (45).




“Í 'dụ ãnyãgã nyaánya ni
pi jĩĩ 'bãá kũlúmgbá agá
'dãlé ĩmi ní, ãzini ngá ídri
be rĩ pi ní.”




Mi ngá ídri be rĩ pi jì kũlúmgbá rĩ agá 'dǎá, ágó ni pi ũkú
ni be, kôpi ã adrikí rí ídri rú.





Núwã pi ní fizú
kǔlúmgbá mọ̀ọ̀ngù
rĩ agá 'dǎlé ùkú ni be,
ívé anjì ǎgò rĩ pi be, anjì ǎgò
rĩ pi vé ùkú pi be, sù Múngú ní
lǔú ìrì ní rĩ ẗị̀nì, yǐ̀ ẗị̀pì rĩ ẽ ìmǔlǔ rí ì ku.





Núwã vé ílí kã caá mūdūrũlũ
áziyá, mbãá ú'dú mụdrị drị ni
éziĩrị, mbãá ãrị ni gé, yĩĩ nyọọkú
agá rĩ í'dó rií íkpú ímúzú ãmvé nǎó
ũkpõ be, ãzini yĩĩgọ í'dó rií 'dĩĩ ùkpõ be.





Yĩigó rĩ 'dị ùtúná pũkú sụ, ìnịná pũkú sụ.





Yīi rī fī nyōókú rī ẽ dñi ãmũlũú
ambamba, sã kũlúmgbá mōòngú
rī nga kú yīi rī dñigé.




Yĩĩ rĩ fĩ mụzú ambamba, ọzũ írã zõ'bá ãcoco rĩ pi ẽ dĩĩ
céré. Ngá ídri be nyọọkú dĩĩgẹ rĩ pi ãrěvú ùdrãkí céré.



Núwã pi ã'á rĩ pi be, ãnyãpá rĩ pi be
kũlúmgbá mọ̀ọ̀ngú agá 'dãá, Múngú ri
kọ̀pi ã tã ígá. Múngú ní ùlì sězú vızú vũ
dřĩgě nōgó, yĩĩ rĩ ní kúru njuzú.






Ọ'dú pūkú sù ǎ vúdřĩ gé,
Núwǎ ní sũbâ kũlúmgbá
mọ̀ọ̀ngú rĩ vé rĩ zĩzú. Vúdřĩ
ní gé, ĩri ní kpá ǎmámũ
pězú, ǎ mụ rí ndreé dọ yĩ rĩ
nụ nyọ̀ókú rĩ dřĩgé sĩ gí.



Mbãá ú'dú pūkú ìrī dṛī ni ézīrī, mbãá ìrī ni gé, ìsú
nyòókú rī 'wi deḗ gí. Kúru Múngú ní 'yozú
Núwã ní kīnī, “Ìmi ìfũkí kũlúmgbá
mòḗngú rī agásī àmvé, ìmi ìfũkí
mī ũkú ni be,
mí ẹnjipīi be,
kòpivé ũkú pi be.”



Núwã ní kúru vūrã rōbōṅṅō zāzú ni sịzú Úpí Múngú
rì ìṅjìzú ãní, Núwã
í'dú ãnyāpá ụrụkọ
ule ule rĩ pi, ãríná
ụrụkọ ule ule rĩ pi be,
zã Úpí Múngú ní
rōbōṅṅō rú.




Múngú ní 'yozú
kĩnĩ, “Ūndĩ má ní
lěé rụ́ mí be,
ngá adri'bá ídri be
rĩ pi be, ãzini úyú
mívé rĩ pi be rĩ, ngá tã ni
i'daápi rĩ, ãri adri 'dĩni.

Á 'bã gérì kuú ãrĩbĩtì
agá 'dĩ, ãri ũndĩ má ní
rụ́ mí be rĩ vé tã i'da,
ãzini vũ rĩ vé rĩ i'da.”



“Má kãdõ ìrìbìtì
ìpěé vũ dṛìgé nǎó,
gérì rĩ kãdõ índré
ìrìbìtì agá 'dǎá, ma
kúru ùndĩ má ní rụú mí
be, ãzini ngá ídri be ẹcì'bá
nyọọkú dṛìgé sĩ rĩ pi be rĩ vé tǎ


ígá ǎní. Yĩ gō tĩ ngá
ídri be rĩ pi ú'dị ùdrǎá
dĩ ku.”



Múngú sē tākíri Núwã
pi ní ẹnjipìjì be kīnĩ,
“Ìmi tìkí anjì, ìmivé kālãfe
ã ga tré vũ dṛìgḗ nṵgṵ.”



Núwã vé anji ãgõ rĩ pi
Sémě 'i, Ámã 'i, Yãpétě sĩ, kôpi
ĩfũkĩ céré ídri rú kũlúmgbã
mõõngũ rĩ agá 'dãásĩ. (Ámã gõ mvã
ágó tĩ, 'da rú ni Kãnánã 'i.)
Anji Núwã vé na 'dĩ'bée
gõkĩ anji tĩ ízú ayiĩ vũ
dřĩgě sĩ céré.



Múngú lě 'bá nyõókú dřigé rĩ pi
agaá rá, ĩsě ívé Mvá ãlukútaᅇá
rĩ ímú nyõókú dřigé nõgó,
'bá ĩri ẽ'yĩipi rá rĩ ã drã
rí ku, ẽ ĩsú rí ídri
'dáni'dáni rĩ
ãní bẽní.



Rómã 3:23

'Bá céré 'okí ãnjĩkãnyã rá, 'bá ãzi ícópì tã céré Múngú
ní lěé 'bá rĩ pi ã 'okí rĩ pi 'oópi ni 'dãáyo.

Rómã 6:23

'Bá ãnjĩkãnyã 'oópi rĩ, ã ãri ãfě drã sĩ, 'bá rĩ ẹ'yĩ dõ 'bávě Úpí
Yésũ Kúrísítõ ri gí, Múngú ri ímụ ãri ní ídri
'dáni'dáni rĩ sě pírinì.

Ĕbéré 9:27

Vũ drĩgě nǒgó, 'bá ri drã 'yéná vú ãlu, 'bá rĩ drã
dõ gí, ã kúru ãrivé tã lì.



Ēfēsō 2:8,9

Múngú pa ĩmi ẹ̀sì múké ívé rĩ sī, ĩmi ní Yẹ̀sũ ri ẹ̀'yī̀ gí rĩ sī.
Tã ni íbí íngá ĩmi vúgá kuyé, Múngú sě ĩmi ní fěfě rú ẹ̀sì
múké ívé rĩ sī. Múngú pa ĩmi ẹ̀zì ĩmi ní ngaá rĩ sī kuyé, 'bá
ãzi ẽ íngú rí 'i pangára 'dĩri sī ku.

Rómã 10:9,10

Mí 'yo dō mî tị sī, “Yẹ̀sũ ri Úpí,” ãzini mí ã'yī̀ dō mí ẹ̀sì agá
'dãlé 'yozú kínĩ, Múngú inga ĩri gōó drãngára gálésīla ídri rú
rá, Múngú ri mi pa rá. Mí ẹ̀'yī̀ dō Kúrísítõ ri mí ẹ̀sì agá 'dãlé
gí, mi adri 'bá pịrì Múngú ẹ̀ndrẹ̀tì gé, ãzini mí 'yo dō mî tị sī
kínĩ, mi 'bá Kúrísítõ vé ni, Múngú ri mi pa rá.



Yũwánĩ 3:16,17

Múngú lě 'bá nyõõkú dřigé rĩ pi agaá rá, ĩsě ívé Mvá
ãlukútaŋá rĩ ímú nyõõkú dřigé nõgó, 'bá ĩri ẹ'yĩpi rá rĩ ã drã
rí ku, ẹ ĩsú rí ídri 'dáni'dáni rĩ ãní bēnĩ. Múngú ĩpě 'î Mvọpị ri
ímú tã lĩ 'bá nyõõkú dřigé nõgó rĩ pi dřigé kuyé, ĩpě ĩri ímú
'bá rĩ pi paá.

1 Yũwánĩ 5:11-13

Múngú 'yo 'dĩni kĩnĩ, 'í sě 'bá ní ídri 'dáni'dáni rĩ gí, ídri 'dĩri
íbí íngá 'î Mvọpị vúgá. 'Bá rĩ ẹ 'yĩ dõ Múngú Mvọpị ri rá, ĩri
ídri 'dáni'dáni rĩ ĩsú rá. 'Bo 'bá rĩ ẹ'yĩ dõ Mvọpị ri kuyé, ĩsú
ídri 'dáni'dáni rĩ ku. ĩmi 'bá Múngú Mvọpị ri ẹ'yĩ'bá gí 'dĩ'bée,
á sĩ kõkõbĩ 'dĩri sěé ĩmi ní, ĩmi nĩkí rí 'yozú kínĩ, ĩmi ídri
'dáni'dáni rĩ ĩsú rá.



Í'dóngára 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Keliko Bible (kbo) © 2024, Wycliffe Bible
Translators, Inc. All rights reserved.

<https://live.bible.is/bible/KBOWBT/GEN/1>

©2025 Bible for Children, Inc.

www.M1914.org

www.bibleforchildren.org

